

KERATAN AKHBAR

TARIKH : 14 OGOS 2023
AKHBAR : KOSMO
MUKA SURAT : 30

UPM, Kementerian Ekonomi lahir lebih ramai usahawan tani



PARA peserta akan mengikuti latihan pertanian berasaskan teknologi melalui program kerjasama Kementerian Ekonomi dan Universiti Putra Malaysia itu.



RAFIZI memuai hasil pertanian sebagai simbolik pelancaran program IPR-INTAN.

UPM, Kementerian Ekonomi lahir lebih ramai usahawan tani

PERTANIAN merupakan satu bidang yang penting untuk diterokai kerana dapat memenuhi agenda ketenteraman makanan negara.

Oleh itu, generasi muda terutamanya amat digalakkan untuk mencebukan diri dalam bidang pertanian dan menjadi usahawan tani.

Ini kerana, bidang tersebut bukan sahaja dapat menjamin sumber makanan sentiasa mencukupi, malah turut membantu mereka menjana pendapatan sekali gus dapat mengembangkan lagi ekonomi negara.

Dalam usaha menggalakkan lebih ramai terlibat dalam bidang tersebut, Universiti Putra Malaysia (UPM) melancarkan Pusat Program Inisiatif Pendapatan Rakyat (IPR) Usahawan Tani (IPR-INTAN) di bawah Kementerian Ekonomi untuk meningkatkan pendapatan rakyat melalui teknologi pertanian.

Program yang dilancarkan oleh Menteri Ekonomi, Mohd. Rafizi Ramli mendapat peruntukan daripada Kementerian Ekonomi bagi membina infrastruktur pertanian moden iaitu sebanyak RM31 juta serta menyasarkan peserta yang terdiri daripada 40 peratus graduan universiti serta 60 peratus peserta IPR dan 6-Kasih di bawah Kementerian itu.

Naib Canselor UPM, Datuk Prof. Dr. Mohd. Roslan Sulaiman berkata, melalui inisiatif itu, bukan sahaja melahirkan lebih banyak usahawan tani yang berkemampuan, tetapi juga memperbanyak penghasilan makanan di dalam negara terutamanya dalam



RAFIZI (dua dari kiri) berbual bersama Mohd. Roslan (tiga dari kanan) sewaktu majlis pelancaran program IPR-INTAN di UPM, Serdang, Selangor baru-baru ini.

sektor pertanian dan akuakultur.

"Peserta akan berpeluang untuk mempelajari teknologi pertanian moden yang akan membuka jalan untuk mereka memajukan industri pertanian.

"Selain itu, mereka juga membantu memastikan ketenteraman makanan, memperkuat ekonomi negara dan pada masa yang sama, memberikan peluang kepada rakyat Malaysia untuk memiliki kerjaya yang bermakna dalam industri pertanian," katanya.

Tambahnya, inisiatif itu adalah sejajar dengan Pelan Strategik UPM 2021-2025 iaitu menjadikan UPM sebagai pusat rujukan pengembangan pertanian tropika iaitu menggembeng pakar pertanian dalam mempromotif aktiviti pengembangan pertanian kepada masyarakat dan komuniti.

Program tersebut turut memperkenalkan teknologi pertanian pintar yang akan memaksimumkan hasil pertanian dan ternakan dengan

menggunakan sumber secara lebih efisien.

Dalam pada itu, program tersebut menawarkan tempat kepada 130 orang pelatih untuk mengikuti latihan pertanian berasaskan teknologi selama tempoh satu hingga satu setengah tahun serta tumpuan latihan adalah dalam sektor tanaman pertanian dan akuakultur.

Pengarah Pusat Hubungan dan Jaringan Industri (GIRNeT), Prof. Dr. Shamsul Bahri Md. Tamrin berkata, projek Pusat Kecemerlangan Industri Pertanian IPR-INTAN@UPM ini akan menjadi pemacu yang signifikan dalam meningkatkan hubungan serta kerjasama antara universiti dan industri pertanian.

"Kami berharap projek ini dapat membantu dalam mentransformasi sektor pertanian Malaysia dengan mencipta ekosistem pertanian yang lebih maju dan berteknologi tinggi serta melalui IPR-INTAN@UPM ini dapat menjadi rujukan utama industri pertanian, baik dari segi inovasi,

pengetahuan atau latihan." jelasnya. Sememangnya itu, graduan UPM, Umnu Hani Abdul Razak, 23, berkata, minatnya dalam dunia pertanian mendorongnya menyertai IPR ini dan menjadi peserta dalam bidang pertanian fertisasi walaupun dirinya merupakan graduan dalam bidang sains biologi.

"Di kampung saya ada tanah. Jadi, saya akan menuntut ilmu pertanian di sini bermula September 2023 untuk menjadi usahawan tani dan memanfaatkan ilmu ini pada tanah yang ada, mungkin melalui tanaman cili, melon atau salad," katanya.